

Miljé Ljubavi

by [Radmila Solesa-Cetic](#) on Wednesday, November 9, 2011 at 5:22pm

Da vam se zahvaljujem na rođendanskim postovima – ne mogu. Davno me naučilo da se na lijeku ne zahvaljuje. Da vas zagrlim, ni to ne mogu. Daleko ste mi. Tijelom samo.

Mogu vam samo svjedokom moci vase rijeci, slova i misli biti. Nista, a nevolju, nesrecu i tugu ponajvise, covjek ne bi trebao sam da nosi.

Pocesto sam, u godini u kojoj preneglo ostarih, kad Senad i Sandro zaspu, i kad "nedostajes" postane jedina i najpraznija misao beskonacne noci, u vama nalazila sebe.

Nije vazno bilo ko mi svrati, jal' mi pjesmu il' stih donese, drago mi samo da je tu, da nocne minute ubrza. Cekajuci, monogima uhvatih dnevne rituale. Neki na posao odu, pa me pozdrave. Neki s posla dodju pa popodnevu s rajom s Fejsa ispijaju, a neki su disciplinirani vikendasi. Ima i onih, kao moj Senad, koji preziru ovaj vid "vjestackog, masovnog druzenja", al' ipak, ne mogu odoljeti da ne virnu pokatkad, makar da ukradu slicicu u kojoj svoju mladost prepoznaju.

Najblizi mi postali oni koji su subote moje, sa mnom, uz srce od dva znaka tastature nacrtano, od srca, samovali.

Nekima Bog dara dao, pa znaju lijepo izreci sto im dusa osjeca. A, nekima i nije, pa samo osjecaju. A meni dao dara da sve to osjetim, i bez rijeci iskazane, dao mi dara da zahvalna budem. Svima.

I onima koji javno Ljubav i Srecu dijele, i onima sto mi k'o ljubavnici tajne ceduljice u "inbox" salju.

Za ovaj rođendan, decenijama, spontano, s uzbudjenjem djecijim i bezrazloznom nadom u ljepse sutra iscekivan, sve do prosloga, svjesno sam se pripremala. I cestitku sebi, k'o lujka kakva, napisala.

No poslije svih vasih, shvatih, nisam ni trebala. Svako drago ime uz jos drazu facu(fejs) naslonjeno isheklalo mi miljé Ljubavi i

***Podrske. Mogu ga pod sve slabosti i tuge svoje podmetnuti.
Najdraze mi sto vas miljeic mogu i Sanji, jaranici iz studentskih
dana, za njene noci podariti. U miljeicu i misao jaranice iz
bihackog djetinjstva kojoj je Bog dao da poezijom dise, a njeno
("Moje) ime je Tanja", misao koja ovako ide: JEDAN DELIC
TEBE, POSTAO JE ZVEZDA.***

***Od Tanje, za koju ne skontah jel' u Njmackoj, Srbiji il' Kanadi,
kroz sve vas, preko mene i zvjezdanog neba, milje Ljubavi,
Sanji, u Travnik odletio.***

Na moj rodjendan.

